



PAENITENTIARIA APOSTOLICA

70/89/I

BEATISSIME PATER,

Ismael Marius CASTELLANO, O.P., Archiepiscopus Senensis-Collensis-Ilcinen-
sis, grato erga Deum animo perpendens spiritalia bona, quae sodalibus consocia-
tionis appellatae "Milizia del Tempio" obvenerunt ex dono Indulgentiae a Sancti-
tate Tua illis oblato Rescripto Paenitentiariae Apostolicae diei 16 iunii 1987,
et simul considerans canonice definitam esse suo decreto diei 8 septembris
1988 eiusdem consociationis rationem, humiliter implorat ut donum illud in per-
petuum prorogetur.

Et Deus, etc.

Die 13 septembris 1989

PAENITENTIARIA APOSTOLICA, de mandato Summi Pontificis, libenter concedit
plenariam Indulgentiam acquirendam, suetis conditionibus (sacramentalis confes-
sionis, eucharisticae communionis et orationis ad mentem Summi Pontificis) rite
adimpletis, a praefatae Consociationis sodalibus, qui emiserint vel renovave-
rint, saltem privatim, promissionem fideliter servandi propria statuta: diebus
inscriptionis in Consociationem, perpetuae Professionis necnon eiusdem Profes-
sionis anniversariis, et liturgicarum celebrationum S. Ioannis Apostoli et Evan-
gelistae et S. Georgii Martyris, peculiarium Associationis Patronorum.

Praesenti in PERPETUUM valituro absque ulla litterarum Apostolicarum expedi-
tione in forma brevi.

Contrariis quibuslibet minime obstantibus.

J. Joannes ella
off.

Sacerdos Alcipius De Magistris
Legatus



PAENITENTIARIA APOSTOLICA

Prot. N. 146/99/I

BEATISSIME PATER,

Comes Marcellus Cristofani, consociationis a Militia Templi, seu Christi pauperum militum nuncupatae, moderator, Sanctitati Tuae nomine proprio et personam agens consodalium suorum, humiles sensus filialis devotionis et totalis oboedientiae promit, et fiducia fretus implorat donum Indulgentiae Plenariae, quo et ipsi sodales et in genere christifideles, qui Ecclesiam domui principi sodalitatis adnexam pie visitant, ad sacramenta sancte frequentanda et ad virtutes supernaturales Fidei, Spei et Caritatis totis viribus colendas animentur, et ita propriae sanctificationi et emolumento Matris Ecclesiae procurandis efficaciter incumbant.

Et Deus, etc.

Die 21 novembris 1999 in Sollemnitate D.N. Iesu Christi Regis

PAENITENTIARIA APOSTOLICA, vi facultatum sibi a Summo Pontifice specialiter tributarum, relatas preces ab Excellentissimo Ordinario senensi commendatas libenter excipit et Indulgentiam Plenariam concedit chistifidelibus qui, animo ab omni affectu peccati, etiam venialis, remoto et consuetae condiciones sacramentalis confessionis, Eucharisticae Communionis et orationis ad mentem Sancti Patris adimplentes, Ecclesiam adnexam Castello "della Magione" religiose visitaverint et ibi vel sacrum aliquem ritum participaverint vel saltem Orationem Dominicam et Symbolum Fidei recitaverint: A) in Sollemnitatibus Paschatis Resurrectionis, Nativitatis Dominicae, Beatissimae Virginis Mariae in Caelum Assumptae, Immaculatae eiusdem Conceptionis, Sanctorum Apostolorum Petri et Pauli; B) quoties id turmatim praestaverint.

Praesenti ad septennium valituro.

Contrariis quibuslibet minime obstantibus.

Sanctus Felice
of

+ Aloisius De Magistris
Episcopus tit. Noventis
Regens